



ЯМДЕ ЛИЙ

1933 ий 1 февраль годсек лектеш.

0+

12 апрель - Космонавтикын кечыже



Полина ЯШМЕТОВА.
Шернур, Марий Кугунур.
Вуйлатыше –
С.Ф.Рыбакова.

Космонавтикын кечыже совет лётчик-космонавт Юрий Алексеевич Гагаринын лумжӧ дене курымешлан кылдалтын. 1961 ий 12 апрельште Юрий Алексеевич Гагарин «Восток» космический корабль дене Мланде йыр чонештен савырнен. Тиде 108 минут шуйнен. Тўнямбалне икымше гана айдеме космосыш чонештен! Космонавт Ю.А.Гагаринлан Совет Ушем Герой лўмым пузныт, а 1962 ий гыч элыштына Космонавтикын кечыжым палемдаш тўналме.

11 апрельште Йошкар-Оласе Ленин лўмеш тўвыра полатыште «Космодром ўжеш» модыш викторине лиеш. Школлаштат ты кечым палемдеда, шонена. «Ямде лий» газет «Лёд и пламень» кевыт дене пырля Космонавтикын кечыжлан пӧлеклалтше сўрет конкурсым увертарен. Пашада-влакым 10 апрель марте вучена.

Л.ГРИГОРЬЕВА.



3 гыч 13 апрель марте С.Г.Чавайн лўмеш национальный библиотеке кыште Тазалыкын тўнямбал кечыжлан пӧлеклалтше Медицине литературы декадыже эрта.

Экологий идальклан пӧлеклалтше «100 баллов для победы» всероссийский акция Марий Элыште апрель мучко шуйна.

8-9 апрельште Йошкар-Олаште всероссийский хоровой фестивалын регионсо этапше эрта. Тушто республикысе 27 йоча хор мастарлыкшым терга.

«Ямде лийлан» возалт!

Увер
выр-
выр

«Ямде лийын» чап онгаже



Паранга район Кугу Пумарий школын 9-ше классыштыже тунемше Алёна ВЕСЕЛОВА

Сайын тунемеш, спортсменке. Ече дене районысо, кустовой тагасымашлаште икымше верым сенен налын. Тренерже – аваже Вероника Ивановна ден ачаже Станислав Васильевич. ИКН дене районысо олимпиадыште икымше лийын, республикыште тагасен (туныктышыжо – Галина Ивановна Антонова). «Юный художник» кружокыш коштеш. Пашаже-влак дене конкурслаште тагаса. Марий тўрым тўрлаш йўрата.

Полшена

Мый кандаш ияш улам, 2-шо классыште тунемам. Класс вуйлатышына Татьяна Григорьевна Аптулаева мемнам пўртўсым йўраташ туныкта. Теле мучко кайык-влакым пукшышна, кормушкыш кочкышым оптышна. Шошо толын гынат, нуным кызытат пукшена.

Мишель МУХАМЕТДИНОВА.
Пошкырт кундем,
Дўртыльё, Чарлак.



Пеледше тукым тагасен



29-ше номеран йочасадын ўдыр-рвезыже-влак куштымашышт дене ойыртемалтыч.

– моткоч кўлешан сомыл. «Пеледше тукым» олесе конкурсышко 28 йочасад ушныш. Шкетын мурымаште София Соловьёва (21-ше №-ан йочасад) сенгышыш лекте. 61-ше номеран йочасадыш коштшо ўдыр-влакын ансамбльыштат икымше вер дене палемдалте. Тыгай сенымашке шумаште воспитатель, туныктышо, ача-ава-влакын надырышт моткоч кугу!

Л.ГРИГОРЬЕВА.

Йошкар-Оласе йочасадлаш коштшо ньога-влакын марий сем почеш кушталтымыштым, муралтымыштым, почеламутым лудмыштым ончен, шўм-чоным куан кумыл авалтыш. Эх, кузе нуно кертыт! Тўрлў калыкын икшывыже-влакым изинек марий тўвырам, марий йылмым пален кушкеш кумылан дымаш

«Почеламутым лудмаш» номинацийыште **Таня Зыкова** (64-ше №-ан йочасад) энсылнын йонгал-тарымыж дене икымше верым сенен нале.



Медаль - мемнан

В.П.Мурашовым шарныме лўмеш районышто шахмат турнир эртен. Школна гыч Инна Мамаева икымше верым, Валерия Веткина кокымшым, мый кумшым сенен нална.

Максим ИВАНОВ.
У Торьял, Кузнеч.



«Паровозик» группышто Театр кечылан пўлеклаттше пайрем лие.

У Арбан йочасадыш коштшо икшыве-влак ача-авашт дене ик кече пырля лийыч. Воспитатель Марина Сергеевна «Мо тыгай театр?», «Театрыште шкем кузе кучаш» теме дене мутланымашым эртарыш. Йоча-влак мурышт, почеламутым каласкалышт, «Реве» йомакым модын ончыктышт.

Э.ПОПОВА, воспитатель.

Медведево район.



ПАМПАЛЧЕ: Шергакан ўдыр-рвезе-влак! Ача-аваланда, коча-коваланда увертарыза: 1 апрель гыч Россий мучко газет ден журнал-влаклан подписке тургым тўналын. «Ямде лий» газетлан возалташ вашкыза.

ЭЧУК: Тенийесе подписке тургымын ик ойыр-темже уло: почто гоч газетнам Марий Элыште, Пошкырт ден Татарстан кундемыште налаш лиеш. Российын моло регионышто илыше-влаклан электрон газетым лудаш темлена.

«Ямде лий»
«Почта России»
каталогышто
муыда.

Кум кундемыштат ик индекс - П4696.

«Ямде лий» газетым почтыш шке миен налыда гын, ак - 282 тенге. Почтальон конден пуа гын, ак - 298 тенгеат 80 ыр.

«Ямде лийлан»
подпискым редакций гоч
ыштыше-влаклан
ак - 150 тенге.

Ожнысо да кызытсе

Районыштына «Ончыкылыкыш ошкыл» шанче-практик конференций эртыш. Мый «Краеведений» секцийыште «Ожнысо да кызытсе «Ямде лий» шымлымаш пашам дене выступатлышым. Йоча газетын кунам шочмыжо, икымше пашаенже-влак нерген ойлышым. Газетнан кушкын толмыжо да туддене ешнан кылым кучымыжо нерген каласкалышым. Призёр радамаш логалмемлан пеш куанышым.


Диана СЕМЁНОВА.
Марий Турек, Арбор.



Кумыландыше газет

Кажне гана «Ямде лий» газетым куанен лудам. Ий гыч ийыш сылнешт лекмыжым тагастарен ончем. Марий йылме урокыштат газет кугун полша. Почеламутым тунемына, лончылаш тыршена. Сай ден начар могыржым ончена. Газет ушанрак лияш полша. Тўрлө район гыч увер-влакым йўратен лудам. Шкежат возаш тунемнем.

Снежана БЫКОВА.
Волжский, Карай.



РЕВОЛЮЦИЙ ДЕЧ ОНЧЫЧСО МАРИЙ

Морко вел Энгерымбал Шале ялеш 12 ноябрьыште шочын. Арын школышто тунемын. Тушечак кугыжан армийыш налыныт. Куд ий утла военный писарь лийын. 1899 ийыште шочмо кундемыш пўртылын, чодыра ороллан ыштен. 1901 ийыште Озан учитель семинарийыште тунемын. Вара Вўрзым уездысе Токтай-беляк школышто туныктен. Шернурьышто священниклан пашам ыштен. Марий йылмыш молитва-влакым кусарен.

1921 ий гыч ятыр жап Сибирьысе школлаште тыршен. Отечественный сар деч ончыч шочмо кундемышкыже пўртылын. Медведево районысо Цибикнур, Туру-

Сайн Эрге Сайгелде (Букетов Филипп Афанасьевич) (1871-1952).



ново школлаште туныктен. Сылнымутым 1905 ийыштак возаш тўналын. «Кабан ер» балладыже 1913 ийыште «Марла календареш» савыкталтын. Тидын деч посна «Кочай нур» почеламутым, «Шайдий вуйым Вайдий чўнга» басным, Морко вельысе первый промышленный предприятий (янда завод) нерген очеркым возен. Пеш шуко легендым, преданийым поген улмаш, но возымыжо аралалт кодын огыл. С.Чавайн «Элнет» романыштыже Ф.А.Букетовым персонаж семын ончыктен.

УШЕШТАРЕНА!

Мер кагаш да «Ямде лий» газет (12-шо №, 18 март) Марий Погынлан 100 ий темме вавеш викториным увертареныт.

Вашмутым 2017 ий 20 май марте редакцийышке колтыман. Сеныше-влакым 1 июньышто саламлаш тўналына.



ЭЧУК: Ой, вуем пеш коршта.

ПАМПАЛЧЕ: Черланенак отыл дыр?

ЭЧУК: Уке, таза улам. Таче кечыгут ачамлан гараж кӱргым чиялташ полшенам.

ПАМПАЛЧЕ: Тугеже тый чия пуш дене аныргенат.

ЭЧУК: Кузе тыге?

ПАМПАЛЧЕ: Тыге шол. Чиялтыме годым маскым чийыман але окнам виш кодыман.

ЭЧУК: Уремыште йӱштӧ, да ачам фортычкынат ыш поч.

ПАМПАЛЧЕ: От шарне мо, школыш Марий Элысе наркологий диспансерын йоча да ийготыш шудымо-влак дене пашам ыштыше врач-наркологшо толын ыле. «Чияшке растворительным пыштат, а тушто аяр пуш уло», - каласыш Нина Николаевна Данилова.

ЭЧУК: Тудо кечын мый тангасымашыш миенам, сандене вашлиймаште лийын омыл. Айда Нина Николаевна деч эше ик гана умылтараш йодына.



АЯР - КУГУ ТУШМАН



- Поро жапда аярым тӱшкаште ӱпшыч ончат, а лийже, йоча-влак. Пампалче чыным вара шкетынат шӱлаш тӱналыт.

ЭЧУК: Чия пуш мылам пеш келша.

- Туге гынат чиям утыжде-

не ӱпшычман огыл, таза-лыкет лунчырга. Палашда ойлем: медицинште тыгай термин уло – «летучие органические вещества». Нуным утыжде-дене ӱпшынчаш гын, черле еныш савырнаш лиеш. Кӧ тыгай пушым лӱмынак шӱла, нуным токсикоман манят. Токсикоман-влак вуйыштым лӱмынак аныртараш манын, клейым, растворительным, краскым, бензиным ӱпшыч илат. А вара тиде шагалла чучеш, сандене тӱрлӧ наркотик дене пайдаланаш тӱналыт. Пеш кӱчык жапыште наркоманыш савырнен кертыт.

- Наркоман-влак нерген ме палена.

- Йӧра. Токсикоманат наркоман семын шкенжым шке лунчырта. Тӱн шотышто 12-14 ияш рвезе-влак токсикоман лийыт. Тиддеч изи ийготан-влакат улыт. Республикысе диспансерыште «токсикоманий» диагноз дене 25 йоча учӱтышто шога. Тыгак 35 йоча профилактике учӱтышто шотлалтеш. Ме нуным эмлена, психолог-влак кажныж дене посна умылтарымаш пашам нангаят. Икшыве-влак икымше гана

Икымше гана аяр пушым 2-3 гана шупшылмек, йочан трукышто вуйжо савырнен кая, вуйлан неле лиеш, шинчавӱдшӧ лектеш, укшинчышыже толеш. Тыгай уда койыш деч южыжо вигак коранеш, а южыжо умбакыже ӱпшынчеш. Нуно, аныргымеке, ик жаплан ласкалыкым шижыт. Утларак ӱпшыч колтышо-влак кушто улмыштым, мом ыштымыштым мондат. Нунын шинчаштлан кояш тӱналеш: южыжо пуйто каваште чонештылеш, а южыжым пуйто пушташ поктылыт. Икманаш, галлюцинаций конча.

а ярым тӱшкаште ӱпшыч ончат, а вара шкетынат шӱлаш тӱналыт.

- Кузе нуным ойырен палыман?

- Аяр пуш дене аныргыше-влак рын ошкыл каен огыт керт, кычкырен мутланат, кугу йӱк дене воштылыт, крдалыт. Ордыж гыч ончалмеке, нуным йӱшылан шотлет. Но арака пуш олмеш вургемышт, ӱпышт деч растворитель, бензин пуш толеш. Токсикоман-влакын уш-акылышт начарештеш, шонен моштым чарнат, осал лийыт. Чурийышт вашталтеш: шинча йымалышт оварен кеча, нер турасе коваште мланде тӱсым

налеш, ӱпышт кукшо лиеш, кӱрышталташ

тӱналеш. Кӱргыш логалше аяр капкылысе чыла органическим эмгата.

- Аярын действийже ик жап гыч пыта?

- Тыге шол.

Тидлан кӧра южо

икшыве токсикоман улмыжым кужу жап шылтен кер-теш. Но аныргыме тат эртымеке, тудо пеш орлана: вуйжо чот коршта, укшинчеш, вийже пыта. Эн шучкыжо – колымаш. Ийготыш шудымо енын капкылже эше пеш нӱргӧ, сандене аяран пушым утыжде-дене шӱлалтымым сенен огеш керт. Южо икшы-ве ӱпшынчаш клейым полиэтилен мешакыш тема, да иканаште ушым йомдарыме дене мешакым вуйжо гыч кудаш ок шукто – капкыллан юж ситыдымылан кӧра кола.

ЭЧУК: Ой, могай лӱдыкшӧ. Тугеже вес гана пӧлемым чиялташ логалеш гын, обязательно маскым чиём.

ПАМПАЛЧЕ: Мыят. Да эше окнам почам. Тау, Нина Николаевна, умылтарымыланда. Ме моло ӱдыр-рвезыланат каласкалена.

А.ЭМАНОВА возен налын.

Дима Соколов ден Наташа Захарова (снимкыште) Волжский районысо Карай школышто 9-ше классыште тунемыт. Йолташ улыт. «Ўдыр ден рвезе коклаште йолташ семын келшымаш лийын кертеш мо?» – йодым нунын деч. «Пырля тунемат гын, тугеже йолташ улат, – вашештыш Дима. – Вет ятыр жапым иквереш эртарет, күлеш годым икте-васылан полшет, кангашым пуэт. Түрлө пайремлан пырля ямдылалтат. Коклан мөнгысö пашамат икте-весе деч возен налат. Мыйын шонымаште, парт кокласе йолташ эн лишыл». «Классыште 2 ўдыр да 8 рвезе тунемына. Шагал улына, садлан келшен илена, – ешарыш Наташа. – Класс вуйлатышына Надежда Александровна Поликарпова ик еш гае илаш кугун полша».

Авторын фотожо.

Школ годсо келшымаш



Л.ГРИГОРЬЕВА.

Хобби

Уста гармоньчо



Кызытсе саманыште гармонь дене шоктен моштышо самырык еным пеш шуэн вашлият. Мемнан школышто ик тале гармоньчо уло. Тиде 9-ше классыште тунемше Рудик Чулков. Изинек гармонь дене шокта. Семүзгар дене шокташ ачаже тунуктен. Ачажат – тале гармонист. Кеч-могай мероприятийыште Рудик мемнам мурен-куштыкта але шкеже түрлө семым шокталтен колта, шоктымыжым йөрәтен колыштына. 1-ше классыште тунемше Анжелина шүжарже изажын шоктымыж почеш мураш йөрәта. Ончыкыжым Рудик автомеханик лийнеже. Рвезе техниклан шүман. «Сай пашаен лияш манын, тунемаш күлеш», – манеш Рудик. Теве тыгай мемнан Рудикна, чолга да поро кумылан рвезе.

Ксения АНТИПИНА, 9-ше класс.
У Торъял, Кузнеч.

Чын корно

Илышыште шке корным муаш күлеш. Тидлан цельым шындышаш улат. Тунам яра жапетым пайданын эртараш тунемат, телевизор але компьютер воктене шинчылташ от тўнал. Мый тунемме деч посна уло кумылын куштымаш студийыш коштам. Куштымаш гоч мый шонымашемым почам. Тидлан көра вес ен дене куштылгын мутланаш тўнал кертам, да тазалыкем пенгыдемденам. Тыландат чонланда келшыше сомылым муаш тыланем.

Аня МУНТЯН, 10-шо «А» класс.
Йошкар-Ола, 21-ше №-ан школ.

Тений

Марий Элыште 3389 ўдыр-рвезе ЕГЭ-м сдатла, а ГИА-м – 6225 тунемше.

Вашлийына

Эртен кайыш ик ият,
Ужын омыл ик ганат.
Пеш вашкем тылат ойлаш:
«Лийыч мыланем йолташ!»

Возимем кызыт лудат
Да изишак шыргыжат.
Пале иктым, йолташем,
Күлеш полыш - мый полшем.

Вашке тыйым вашлиям,
Тунам шокшын ондалам,
Вачышкет вуем пыштем,
Чыла осалым мондем.

Лилия ИВАНОВА,
11-ше класс.

Параньга,
Матародо.

Сенгымашын лу правилже

- ✓ Ит ойгыро! Шүлыкән ен пиалдыме.
- ✓ Ит лүд! Лүдшө сеналтеш.
- ✓ Пашам ыште! Сенгымашке вес корно уке.
- ✓ Шоно! Иктаж-мом ыштымет деч ончыч шоно, ыштымет деч вара шоно – тыге йонгылышым ыштымым чарнет.
- ✓ Ит ондале! Тунам йолташан лият.
- ✓ Шкендым да ыштыме пашатым өрдыж гыч да вес енын шинчаж дене аклаш тунем – тунам шуко умылет.
- ✓ Эре да кеч-кушто шкалан ўшане, шке корнет дене ошкыл. Тунам личность семын вянат да сенгымашке шуат.
- ✓ Осал ен деч коранг. «Осал осалым шочыкта», – манеш калык.
- ✓ Ача-аватлан, коча-коватлан, тыланет порым ыштыше ен-влаклан тауштен иле.
- ✓ Таум ыштыдымаш – кугу сулык. Кугурак-влакым колышт, тунам шуко йонгылыш деч улет.





Йот йылме келша

Школыштына руш, мари́й, одо да англичан йылме-влакым тунемына. Англичан йылме дене шинчымашым Лариса Филипповна Спасских пуа. Урокышто тӱрлӧ заданийлан вашмутым кычалына. Мыланна йот йылме келша.

Вова САЙТЕЕВ,
Милена МАКАРОВА, 4-ше класс.
Одо кундем, Алнаш, Одо.



Яса* шӱжарна

Ме ешыште кум икшыве кушкына. Акам кандашымше классыште тунемеш, мый – кумшышто. Ик ияш Анюта шӱжарна уло. Тудым авайлан ончаш полшена: пукшена, малтена, модыктена. Тудо пеш яса, чыла вере шуэш. Шкетшым кодаш ок лий. Ме шӱжарнам пеш йӱратена.

*яса - писе

Павел ОСИПОВ.
Татарстан, Агрыз, Пелемеш.

Молодец, Алина!

Тунеммаште, школ илышыште йоча эре ончылно, чолга да мӱнгыштӧ поро кумылан, ача-авалан полшаш ямде гын, тиде пеш кугу куан. Алина Тимкова лач тыгай. Тудо 8-ше классыште чыла предмет дене «визытанлан» тунемеш. Олимпиадылаште, конкурслаште, шымлыме пашалаште сенгыше-влак радамыште. Москошко Кремлёвский ёлкышко миен. Алина кидпашалан мастар: носким, ковёрым пидеш. Мураш, кушташ йӱрата.

Л.А.МАКАРОВА,
мари́й йылмым да литературым туныктышо.
Одо кундем, Алнаш район, Маскиял.



Куанен улына

Поро кече, пагалыме «Ямде лий» газет! Курыкъял школна изи, улыжат латныл тунемше. Ме тӱрлӧ конкурсыш ушнена. Пургыж тылзыште «Нократ дулкыннары» республикысе йоча фестиваль эртаралте. Ме шке ял калыкын тошто мурен-куштымашыжым модын ончыктышна. Тыгак Семык пайремын мурыжым йонгалтарышна. Ончыш-влаклан да жюрилан пеш келшен, совым чот кырышт. Ме кокымшо верым налынна.

Ангелина БАХМЕТОВА.

Татарстан кундем, Мамадыш, Гришкино тӱн школ.

Йӱратем, аваем!

Авамын лӱмжӧ – Людмила. Тудо ялсоветыште компьютер дене пашам ышта. Кече еда пашаш коштеш гынат, пӧрткӧргыштӧ чыла ыштен шукта. Мыят полшем. Авамын чот йӱратем: ончымыжлан, тамлын пукшымыжлан, йӱратымыжлан, мыланем илышым пӧлеклымыжлан да воктенем улымыжлан!

Анна ИСАЕВА.

Пошкырт, Дӧртыльӧ, Чарлак.

Артём Аксаев 2-шо классыште тунемеш. Верысе «Чолга шӱдыр» йоча коллективын эн сай куштышыжо.

Тудо сценышке вич ияш лектын. Артём тунеммаштат ончылно кая, дневникиштыже - эре «5» ден «4» отмык-влак. Эн йӱратыме предметше – математике.

Е.ГАЗИНА.

Пошкырт кундем,
Дӧртыльӧ, Йывачял.



Мастар ачам

Ачам Алексей Исламов – кундемшытына чылалан палыме мастар. Тудо пугыч тӱрлӧ арверым ышта. Нуныжо кевытысе дечат сайрак да мотор лектыт. Ачам мыйымат тиде мастарлык-клан туныкта.

Сергей ИСЛАМОВ.

Татарстан,
Агрыз, Буймо.

Молодец,
Алина!

Ончыкыжат ача-аватым куандаре. Чон дене ару, йолташлан поян лий! «Тунемше енын илыш корныжо волгыдо» манме калыкмутым эре шарне.






Книгагудышто – курчак театр

Морко йоча книгагудышто курчак театр 2002 ий гыч пашам ышта. Йоча-влаклан түрлө йомакым модын ончыктена. Лудшо-влакым ешараш манын, пайрем-влакым эртарена. Книгагудо дене Йошкар Упш, Буратино, Вуверкува, Айболит палымым ыштат. Лудмыверыште шкем чын кучымо, книгагудышто чын аралыме нерген ойлат. Курчак спектакль йоча-влаклан пеш келша.

Т.Е.ВЛАДИМИРОВА,
лудмо залым вуйлатыше.



Тыгай кугече муном Олеся Архипова квиллинг йон дене ыштен. Тиде открытым Морко посёлкысо 1-ше №-ан йочасадыш кошшо эргыжлан пайрем вашеш ямдылен.

И.АЛЕКСЕЕВА.

Вашке - Кугече

Марий Турек район Сардаял школын тунемшыже Алина СЕМЕНОВАН шымлыме пашаж гыч. Туныктышо – П.В.Сорокина.

Йодыш: Кугече муном молан сангашке перен пудыртат?

Вашмут: Муно у илыш ылыжмыв, тукым ешаралтмыв, шарлен толмыв ончыкта.

Кугечын марий калык лўнгалтыш дене Кугече лўнгалтен. муном онгач денеч лўнгалтеш. Лўнгалтмаш лўдмым ўлык перен пудырсенгаш кумыланга. тет гын, чыве муном Мыняр кўшкырак кушан лийын, тушан нўлтат, чонет мунчаш тўналеш. тунар утларак кана, пашалан чулым лият.

Чеве олык – мотор олык, Чыла вере мўрў пуш. Кугече пайрем – весела пайрем, Чыла вере муро йўк.

Юмылукыш шогал-тыме шертннын идалык мучко ик мамык пырчыжат ок його гын, тугеже илышет пиалан лиеш.



Сўретым чиялте.

Чот куаненна!

Шочмо кундемшыкына шошо тольо. Школ стадионысо куэрлаште корак-влак пыжашым опатат. Классыштынат пеш шокшо – кече чот ырыкта. Лум шула. Шошо вўд писынрак да писынрак йога. Вашке Чеве кечеже онча, шырчык, вара Мландым утыр ырыкта. турий толыт. Лумым вўдыш савыра, Мый шошо Коремлаште вўд йога. толмылан чот **Маша ПОКРОВСКАЯ.** куаненам.

Ольга КУЗНЕЦОВА, 3-шо класс.
Волжский, Кугу Корамас.



Кордемучаш плотинаште карп пеш шуко уло. Шошо каникул годым Ваня, Никита, Петя йолташем-влак дене колым кучаш коштна. Ковам Лидия Егоровна колым пеш тутлын жаритла.

Андрей РЕПИН, 4-ше класс.




Шошо каникулым пеш чот вучышым. Ачам дене пырля Йошкар-Олам ончен коштна.

Юра МОЧАЛОВ, 4-ше класс.
Советский, Ёрша.

✓ *Апрельште изэер-влак мландым помыжалтат.*

✓ *Апрель тельн омсажым тўкыла.*



Сүрөттө мече-влакым кычал.
Мынярым муыч?



Грузовик
ялыш кудалын.
Корнышто ныл
легковой маши-
нам вашлийын. Мыняр
машина ялыш куда-
лын?
(*мәгәһдә - әшмә)

Шуко уло модышем,
Нуным мые йӧратем.
Шокшын-шокшын вӱчкалтен,
Пеленем малаш пыштем.
Сашенька ВАСИЛЬЕВА.
Морко посёлко,
1-ше №-ан йочасад.



Юлиана БАЙГУ-
ЗИНАН сүрөттө.
Медведево, Руэм.

Кызыт кече кужемеш,
Вашке шошо толалеш.
Кугу маска вынем гычын
Помыжалтын лекталеш.
Лиана СЕМЕНОВА.
Марий Турек, Арбор.

Маска
ик-ныл игым
ышта. Иге-влак
сокыр, пун деч
посна да пуйды-
мӧ шочыт.

К 1. Шошым толшо кайык. 2. Марий
Элын ик районжо. 3. Марий кунде-
мысе ер. 4. Ма-
рий чодырасе янлык. 5. Иман
янлык. 6. «... Чодра»
национальный парк. 7. Чоя ян-
лык. 8. Ошын пелед-
ше пушенге. 9. Йӱдым
сонарыш лекше кайык.
10. Мландым ырыкта.
Оля АЛЕКСЕЕВА,
7-ше класс.
Морко,
Энерсола.

К Клеткылам чиялте, йол-
ташемын лӱмжым пале.
А: 3, 4, 7, 8, 9, 10, 12, 13, 14, 17, 18.
Б: 2, 5, 7, 12, 14, 16, 19.
В: 2, 5, 7, 8, 9, 10, 12, 13, 14, 16, 17, 18, 19.
Г: 2, 5, 7, 12, 16, 19.
Д: 1, 2, 5, 7, 8, 9, 10, 12, 16, 19.
Аделина МИХАЙЛОВА
ямдылен.
Морко, Коркатово.

	1	2	3	4	5	6	7	8	9	10	11	12	13	14	15	16	17	18	19
А																			
Б																			
В																			
Г																			
Д																			

Индекс: Марий Элыште - 78574,
вес кундемлаште - 52713.
Тираж 1300 экз. Заказ 672.
Формат - А-4-8.
Директор-тӱн редактор
Л.В.СЕМЕНОВА.
E-mail: yamde_lii@mari-el.ru,
yamde_lii@mail.ru
Сайтын адресше: yamde-lii.ru,
Тел. 45-25-49(факс);
45-22-82.

УЧРЕДИТЕЛЬ-ВЛАК:
Марий Эл Республикы-
се культур, печать да
калык-влакын пашашт шо-
тышто министерстве, «Ям-
де лий» газет» кугыжа-
ныш унитарный казенный
предприятий.

Газетым Массовый коммуникаций
сферыште да культур наследийым ар-
алымаште законодательством шуктен шо-
гымым эскерыше Федеральный службын
Приволжский федеральный округысо уп-
равленийыштыже регистрироватлыме.
Номер - ПИ №ФС 18-1999,
2005 ий 10 февральыште
пуымо.

Печатьыш пуымо жап - 14-00,
фактически - 13-00.
Ак - кутырен келшыме
почеш.

Авторын да редакцийын шо-
нымашышт түрлӧ лийын кер-
тыт. Серыш-влак мӱнгеш огыт
колталт.



Газетым редакцийыште погымо да верстатлыме,
«СТРИНГ» ИПФ ООО-што ямде
оригинал-макет гыч савыктыме. Типографийын
адресше: 424006, Йошкар-Ола,
Строитель урем, 95.

Редакцийын да издательын
адресше: 424006, Йошкар-Ола,
СССР Вооружённый Вийын 70-ше
идалыкше урем, 20.